

igitur desideratissima consideratione ipse Thidericus divinum cultum et laudis Dei gloriam augmentari ac personarum ecclesiasticarum Domino Deo et sanctis ejus in ecclesia sanctorum et exultationis voce famulantium numerum multiplicari cupiens, et perinde venerabilem parochialem ecclesiam in Mandeslo, que inter ecclesias archidiaconatus Mandeslo principalis existit, altiori divini obsequii ministerio ac ampliorum sacrorum ministrorum in ea ad serviendum in divinis instituendorum collegio decorari desiderans, sex prebendas canonicales et decanatum ac duas vicarias perpetuas in eadem ecclesia in Mandeslo de nostro et capituli nostri Mindensis ac dominorum de Holtorpe, prepositi ecclesie sancti Johannis Mindensis, ad cujus collationem dicta pertinet ecclesia, nec non Johannis de Alten, plebani ejusdem ecclesie, pleno et libero consensu cum nonnullis suis certis competentibus bonis, possessionibus, decimis et annuis redditibus perpetuo fundare intendit pariter et dotare; ad quorum quidem decanatus, canonicatum et prebendarum ac duarum perpetuarum vicariarum dotacionem, instauracionem et fundacionem prefatus Thidericus de sciencia, consensu et bona voluntate honestorum virorum Haynekonis et Justacii de Mandeslo, fratrum suorum germanorum, nec non Conradi de Mandeslo, senioris eorum patruum, armigerorum de Mandeslo nuncupatorum, ob animarum eorum ac parentum, heredum et successorum suorum salutem decimam in Wendevorstelde (*sic*) ¹⁾ cum tribus curiis ibidem ac decimam in Vorlingen ²⁾ cum omnibus earum juribus et pertinentiis universis, nec non omne jus, omne dominium merum et mixtum omnemque utilitatem omnemque proprietatem, quod, que et quas predicti armigeri et eorum heredes conjunctim vel divisim habebant vel habent tam ratione advocacie, quam alia quavis de causa in predio seu curia dicta Luchtehoff ³⁾, nec non in omnibus et

1) das jetzige Wendenborstel im Amte Wölpe.

2) Groß-Barlingen im Amte Wölpe.

3) Ueber diesen Hof habe ich nichts weiter ermitteln können.